

REFERAT US - Utoqqaat siunnersuisoqatigiiffiat d. 17-06-2024

Mødedato Mandag d. 17. juni 2024 kl. 18:00

Mødested Kommunalbestyrelsen i Aarslev Kommune

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisoqatigiit ataatsimiinneranni imaqarniliaq

Marlunngorneq ulloq juunip 17-ianni 2024, nal. 14:30.
Sumi: Suliffeqarnermut Isumaginninnermullu Ingerlatsiviup ataatsimiittarfiani

Ataatsimeeqataasut ukuupput:

Marianne Jensen, siulittaasoq
Birthe Nielsen, siulittaasup tullia
Kirsten Holm, ilaasortaq
Jakob Thorsen, ilaasortaq
Daniel Blytmann, ilaasortaq
Kaj Kleist, sinniisoq

Najuuttussaaitaasut:

Johanne Marie Bergstrøm, Utoqqarnut suliassaqarfimmi immikkoortortami aqutsisoq
Naja Anelouise Heilmann, allatsi

Ataatsimiinnermi peqataanngitsut

Peter Petersen, sinniisoq



Imarisai

1. Oqaluuserisassat akuerineqarnerat	3
2. Ilisimatitseqatigiinneq	3
2.1 Siulittaasumit	3
2.2 Ingerlatsivimmit	3
2.2.1 Utoqqaat atugarisaat pillugit misissuitsinerup killiffia	3
2.2.2 Utoqqarnut suliasaqarfimmiit ilisimatitsissutit	3
Timimik sungiusaasut pillorissaasullu neqeroorutaat	4
Angerlarsimaffimmi ikiortit	4
Sianersinnaaneq oqaloqateqarlunilu	4
Utoqqarnut neqeroorutaasinnaasut	4
2.3 Allanit ilisimatitsissutit	4
3. Qinersineq	4
4. Allat	4
Ilanngussaq 1	5



1. Oqaluuserisassat akuerineqarnerat

Oqaluuserisassat taamatut isikkoqartillugit akuerineqarput.

2. Ilisimatitseqatigiinneq

2.1 Siulittaasumit

Utoqqaat pillugit Siunnersuisoqatigiit ataatsimiinneranni siulittaasup ilisimatitsissutigaa, ataatsimiinnerup kingorna ataatsimiinnermi ilisimatitsissutini allaffeqarfimmut nassiukkumaarlugit, pisariaqanngitsorlu allanneqarnissai nammineq allareernikummagit.

Siulittaasup nalunaarutigaa ataatsimiinnermiit ingerlajumaarluni ilisimatitsissutini saqqummiutereerunigit.

Siulittaasup suleqatigisimasani tamaasa qujassuteqarfivai sulilluarnissaannillu kissaallugit.

Utoqqaat pillugit Siunnersuisoqatigiit aamma Suliffeqarnermut Isumaginnermullu Ingerlatsivimmiit siulittaasup tunuarneranut atatillugu inuulluaqqussummik siulittaasoq apuussiffigivaat qujassuteqarfugalugulu.

2.2 Ingerlatsivimmit

2.2.1 Utoqqaat atugarisaat pillugit misissuititsinerup killiffia

Utoqqarnut suliassaqarfimmi immikkoortortami aqutsisoq utoqqaat atugarisaat pillugit misissuititsinerup killiffia pillugu saqqummiivoq.

Misissuinerit naammasseriarpata Utoqqaat pillugit Siunnersuisoqatigiinnut paasissutissat nassiunneqarumaarput saqqummiunneqarlutillu.

Utoqqaat pillugit Siunnersuisoqatigiit kissaatigaat allaffeqarfimmiit ilisimatitsissutigineqassasoq suliaq qaqugu naammassineqassanersoq. Saniatigullu kissaatigalugu misissuinerup inerneru aamma kommunalbestyrelsimut ilisimatitsissutigineqassasut.

2.2.2 Utoqqarnut suliassaqarfimmiit ilisimatitsissutit

Utoqqarnut suliassaqarfimmi immikkoortortami aqutsisup Suliffeqarnermut Isumaginninnermullu Ataatsimiitamut ilisimatitsissut utoqqarnut suliassaqarfimmi ukiup affakkaartumik killiffissiuineq pillugu saqqummiunneqarnikut ilisimatitsussutigivai.

Kommuneqarfik Sermersuup nittartagaani oqaluuserisassat aamma imaqarniliata ataani ataatsimiinnermi marlunngorneq 4. juuni 2024 ilisimatitsissutit takuneqarsinnaapput.

Utoqqarnut suliassaqarfimmi ilisimatitsissutigineqartut aallaavigalugit Utoqqaat pillugit Siunnersuisoqatigiit oqaaseqaatai akissuteqarfigneqarnerilu ataani allanneqarput.



Timimik sungiusaasut pillorissaasullu neqeroorutaat

Utoqqaat pillugit Siunnersuisoqatigiit kissaatigivaat Suliffeqarnermut Isumaginninnermullu Ingerlatsivimmiit saqqummiiffigineqarnissartik, timimik sungiusaasut pillorissaasullu utoqqarnut suut neqeroorutigisarneraaq.

Angerlarsimaffimmi ikiortit

Utoqqaat pillugit Siunnersuisoqatigiit kissaatigivaat angerlarsimaffimmi ikiortit sullissinerat eqaannerulernissaat. Angerlarsimaffimmi ikiortit suliassaat aalajangersimasut allattoriikkat aallaavigalugit suliarineqartarput, taakkualu saniatigut suliakkiisoqarsinnaanani. Utoqqaat oqaloqateqalaartarnissaminnik atorfissaqartitsisarput, ilaatigullu immaqqa oqaloqateqannginnermut puigortunngorsutigisarlungkut.

Sianersinnaaneq oqaloqateqarlunilu

Utoqqaat pillugit Siunnersuisoqatigiit oqaatigaat, immaqagooq Utoqqaat oqaaseqartartuat aqutugalugu saqqummiussisoqarsinnaasoq, utoqqaat sianerffigisinnaasaannik pilersitsisoqarsinnaagaluartoq, taava utoqqaat namminneq oqaatigerusutaminnik aliaasuutiminnik arlaannilluunniit oqaloqatiginnissinnaalerlutik.

Utoqqaat pillugit Siunnersuisoqatigiit Utoqqaat atugarisaat pillugit misissuineq naammasseriarpit, utoqqarnik oqaloqateqarsinnaanermut tunngasoq oqaluuserisassanut ilanngunneqarnissaat kissaatigivaat.

Utoqqarnut neqeroorutaasinnaasut

Utoqqarnut suliassaqarfimmi immikkoortortami aqutsisoq akissuteqarpoq ilumoortoq angerlarsimaffimmi ikiorneqartartut suliassaat aalangersimasuusut. Innersuussisartut innuttaasut saaffiginnikkaangamik immaqaluunniit innuttaasoq sinnerlugu saaffiginnikkaangamik angerlarsimaffimmi ikiortip suliassai tulluarsarneqartartut.

Angerlarsimaffimmi ikiortip suliassaata saniatigut innuttaasoq suliakkiiniarsarigaangami, soorlu igganneqarumalluni, angerlarsimaffimmi ikiortip suliarineq ajorpaat, taanna periarfissaannginnami neqeroorutitut, kisiannili neqeroorutaasinnaalluni nerisassanik pajunneqarnissaq.

2.3 Allanit ilisimatitsissutit

Soqanngilaq.

3. Qinersineq

Utoqqaat pillugit Siunnersuisoqatigiit siulittaasuat tunuarnera ilutugalugu Utoqqaat pillugit Siunnersuisoqatigiinni qinersippit. Siulittaasussatut qinerneqarpoq Birte Nielsen, taavalu siulittaasup tulliatut Kaj Kleist qinerneqarluni. Sinnisutut siullertut suli Peter Petersen inisseqqalluni.

4. Allat

Utoqqaat pillugit Siunnersuisoqatigiit kissaatigaat ukjaru Utoqqaat Illuat nuummi inissimasoq paasisassarsiorfigalugu pulaarusullugu.

Utoqqaat pillugit Siunnersuisoqatigiit kissaatigaat allaffeqarfimmiit attavigineqarnissartik pulaarnissaq pilersaaruseriorluarumallugu.



Ilanngussaq 1

Utoqqaat pillugit Siunnersuisoqatigiit 17. juni ataatsimiinneranni siullittaasumit ilisimatitsissutit.

- a) 25. marts 2024 isumaginninnermut naalakkersuisoq Jess Svane nal. 13:00 – 13:45 ataatsimeeqatigivara. Siunnersuisoqatigiit akornanni allanik pisinnaasoqanngimmat kisima ataatsimeeqatigivara.
Tassani sammeneqarput:
- Utoqqarnut najugaqatigiiffiit. Qeqqata kommuuniani Sisimiuni Maniitsumilu peqareerpoq isumassarsiorfiusinnaasunik. Naalakkersuisumit akissutigineqarpoq Isumaginninnermut Ineqarnermullu naalakkersuisut piviusunngortitsinissaq siunertaralugu akunnerminni tamanna eqqartortaraat.
 - Utoqqarnut inatsisissaq qaqugu inatsisartunut saqqummiunneqassanersoq. Tassani naalakkersuisoq akivoq Inatsisartut upernaakkuut 2024 ataatsimiinneranni saqqummiunneqartussaaniuugualuarluni ukiakkut ataatsimiinnissamut kinguartinneqartoq.
 - Utoqqaat pineqartillugit akuutitsisariaqarneq. Tassani Siunnersuisoqatigiit siullittaasuannit oqaatigineqarpoq Naalakkersuisut utoqqaat pillugit periusissiap aammalu utoqqarnut inatsisissap suliarineqarnerini utoqqarnik akuutitsinikippallaartut. Siullittaasutaaq kaammatuutigaa naalakkersuisut aningaasaliiffigigisaannik utoqqarnik katersuutsitsisoqartillugu utoqqaat peqatigiiffii kattuffiillu kisiisa pinnagit aammattaaq kommuunini utoqqaat pillugit siunnersuisoqatigiit eqqaamaniarneqartassasut
 - Sulisussaaleqisoqartigisoq utoqqallinersiaqalereeraluarlutik sulisut utoqqalinersiaminnik ilanngaanneqartarerat Danmarkimisut unitsinniarneqanngila? Naalakkersuisup akissutigivaa tamanna eqqarsaasersuutigineqartoq.
- b) 12. april 2024 SIA-mi siullittaasoq Inge Olsvig Brandt naapeqatigivara. Tassani pingaarnertut sammeneqarput SIAp Siunnersuisoqatigiillu akornanni 'temadag'-eqarnissami qulequttat suut sammeneqarsinnaanersut.
Uanga qulequttat makku ilaatigut eqqartorneqarsinnaasutut taakkartorpakka:
1. Kommunabestyrelsemit Siunnersuisoqatigiit pillugit malerugassanik akuersissuteqarnikuupput. Tamanna pillugu ilaatigut makku eqqartoqatigiissutigineqarsinnaapput:
 - 1.1: Malittarisassat immikkortut ataatsiakkaat pillugit kommuunimit Siunnersuisoqatigiit qanoq isumalluarfigineqarpat?
 - 1.2: Siunnersuisoqatigiinnit malittarisat sulinissamut sinaakkutitut qanoq isumaqarfigineqarpat?
 - 1.3: Malittarisassat naleqqussartariaqarpat? Assersuutigalugu kommuunip iluani illoqarfiit tamarmik sinniisoqartariaqanngikkaluarnepat?
 2. Qanoq annertutigisumik Siunnersuisoqatigiit ataatsimiittarnerminni aalajangikkaminnik piviusunngortitsinissamut allaffeqarfimmit ikiorserneqarsinnaappat? Ass. kiserliorneq pillugu isumasioqatigiisitsinissap piviusunngornissaanut.
 3. Utoqqaat pillugit Siunnersuisoqatigiit ukiumoortumik SIA-mik ataatsimeeqateqartarnerminni innersuussutaat suneqartarpat? Utoqqaat pillugit Siunnersuisoqatigiit siunnersuutimik sumut killinnerannik qanoq



paasitinneqartarpat?

4. Utoqqaat pillugit Siunnersuisoqatigiit 2022-mi aamma 2024-mi innersuussutaannik killiffissiorneq
 5. Utoqqaat pillugit Siunnersuisoqatigiit sulinerminni angusaat qanoq iliornikkut kommuunip utoqqartaanut aammalumi inuiaqatigiinnut tusarliunneqartarpat? Kiap taamatut siammarterineq akisussaaffigaa? Ass. kommuunimi utoqqaat atugaat pillugit misissuititsineq.
 6. Kommuunimi utoqqaat toqqissisimanartumik paaqqutarineqarnissaat qanorpiaq iliuseqarnikkut anguneqarsinnaava?
- c) 16. april 2024: Borgmesterimik ataatsimeeqateqarneq.
Tassani borgmesterimut saqqummiussakka makkununga sammipput:
1. Kommuneqarfik Sermersuumi Utoqqaat pillugit Siunnersuisoqatigiit sulinerannut atugassarititaasut
 2. Naalackersuisut Utoqqarnut periusissianni aamma kommuunini utoqqarnut najugaqatigiiffiit assigiinngitsunik isumalimmik atornerarneri pillugit erseqqissaaneq, tamanna pisariaqarsorinarmat kommuunip naalackersuisullu akornanni utoqqarnut najugaqatigiiffinnik aningaasaliisoqalersilugu qanoq avitseqatigiittoqassanersoq isumaqagiinniassutigilersinnagu.
 3. Borgmesteri ilisimatippara Ineqarnermut aamma Isumaginnerninnermut naalackersuisut ataatsimeeqatigereersimallugit.
 4. Kommuunimi utoqqaat pillugit suliniuteqartoqartillugu aalajangiisoqassatilluguluunnit utoqqaat akuutinneqartarnissaat Siunnersuisoqatigiinnit pingaartipparput – ass. utoqqaat pillugit ukiuni tulluuttuni pilersaarusiame.
 5. Ukiuni qulini siuliini utoqqarnut pilersaarusiameq ukiut ingerlanerini killiffissiorneqartarsimanerluni? Taamatut apeqquteqarnermut peqqutaavoq pilersaarutaasimasut ilaat piviusunngortinneqarsimanngimmata, ass. utoqqarnut najugaqatigiiffiliassaagaluit.

Sulilluarnissassinnik kissaallusi,

Marianne Jensen

Danmarkimut nuulernini pillugu siulittaasutut tunuartoq

